

RAPORTI I PUNËVE PËR FJALORIN ENCIKLOPEDIK TË KOSOVËS

Projekti i Akademisë së Shkencave dhe të Arteve të Kosovës, Fjalori Enciklopedik i Kosovës (FEK) ka filluar në vitin 2012.

Tabela e paraqitur me shënimet financiare për vitet 2012-2018 e pasqyron buxhetin e ASHAK-ut, në kategorinë mallra dhe shërbime për vitet: 2012-2018 dhe shpenzimet për FEK-un.

I gjithë projekti i FEK-ut është realizuar nga buxheti i ASHAK-ut, përkatësisht kategoria mallra dhe shërbime. Të hyra të tjera nuk ka pasur. Gjatë realizimit të projektit gjatë viteve janë bërë kursime brenda buxhetit duke i dhënë përparësi FEK-ut.

Projekti është ideuar nga strukturat e brendshme të ASHAK-ut: Këshilli, Bordi dhe Redaksia qendrore e FEK-ut.

Kjo strukturë është miratuar nga Kuvendi i Akademisë, si organi më i lartë i ASHAK-ut dhe i ka kryer detyrat e përcaktuara sipas vendimeve përkatëse.

Për hartimin e FEK-ut kanë qenë të angazhuar 24 redaktorë të fushave dhe nga dy anëtarë të redaksive për secilën fushë. Prej tyre shumica bashkëpunëtorë të jashtëm.

Për hartimin e zërave kanë qenë të angazhuar 506 bashkëpunëtorë të jashtëm, prej tyre rreth 30 anëtarë të Akademisë.

Gjatë viteve 2012-2018, janë mbajtur 5 punëtori. Në to kanë marrë pjesë, redaktorët e fushave, anëtarët e Redaksisë qendrore, anëtarët e Bordit dhe stafi administrativ, me qëllim të ofrimit të mbështetjes teknike.

Gjatë viteve 2012-2018, janë mbajtur shumë takime e konsulta, të të gjitha organeve të ASHAK-ut, të cilat kanë përcjellë punën, kanë punuar në marrjen e vendimeve, etj.

Janë mbajtur mbledhje të shumta të Redaksisë qendrore dhe takime të Kryeredaktorit me redaktorët e fushave, anëtarët e redaksive dhe personave të tjerë të angazhuar në projekt.

Në vitin 2014 është hartuar dhe botuar Fjalësi i zërave, i cili u është ndarë institucioneve për të dhënë vërejtjet dhe plotësimet eventuale.

Pas përfundimit të teksteve dorëshkrimi i është nënshtruar tri lekturave.

Për faqosjen, dizajnin dhe fotografitë janë angazhuar shërbime nga jashtë.